



The Scottish Parliament
Pàrlamaid na h-Alba

Leigibh fios do Phàrlamaid na h-Alba dè UR Beachd air Ceistean Ionadail

Tha Comataidh Riaghaltais Ionadail is Ath-bheothachadh Pàrlamaid na h-Alba ag iarraidh ur cuideachaidh leis an [rannsachadh aice air sùbailteachd is fèin-riaghaltas do riaghaltas ionadail](#). Tha sinn ag iarraidh ur beachdan air coimhairsnachdan iomallach no eileanach agus structuran riaghaltais ionadail.

Tha iomadh dòigh ann sam faod sibh na beachdan agaibh a chur an cèill anns an deasbad seo. Faodaidh sibh post-dealain leis na beachdan agaibh a chur gu lgr.committee@scottish.parliament.uk. Faodaidh gum bi sibh ag iarraidh dol an sàs ann an deasbad didseatach a chumas sinn 2 Cèitean mar phàirt de choinneamh-coimhairsnachd ann an Steòrnabhagh. Air neo faodaidh gum bi sibh ag iarraidh a bhith an làthair aig a' choinneimh sibh fhèin—

Ceann-latha: Dihaoine 2 Cèitean 2014
Time: 10.30m – 12f
Venue: Comhairle nan Eilean Siar
Oifisean na Comhairle
Rathad Shanndabhaig,
Steòrnabhagh HS1 2BW ([Tha mapa den làraich ri fhaotainn air-loidhne](#))

Tha a' choinneamh fosgailte do neach sam bith a tha ag iarraidh coinneachadh ri Buill air a' Chomataidh agus ar cuideachadh.

Tha sinn mothachail gu bheil mòran choimhairsnachdan eileanach dha nach urrainn frithealadh air coinneamh ann an Steòrnabhagh. Don fheadhainn nach tèid aca air frithealadh iad fhèin, chuireamaid failte oirbh nan dèanadh sibh frithealadh air an deasbad dhidseatach againn 2 Cèitean (faicibh duilleag 2 airson fiosrachaidh).

Tha sinn ag iarraidh gu mòr ionnsachadh bho na dh'fhiorsraicheas daoine de sheirbheisean poblach, math no dona. Bu mhath leinn cluinnintinn gu dìreach bho bhuidhnean sna coimhairsnachdan ionadail (comhairlean-coimhairsnachd nam measg), buidhnean shaor-thoileach, buidhnean-carthannais agus daoine air leth bho choimhairsnachdan nan eilean air fad againn. Mar fhios, tha ùidh againn sna cuspairean a leanas:

- Dè ur beachd air molaidhean [Our Islands our Future](#) le ùghdarrasan nan eilean?
- Dè na structairean riaghaltais ionadail as fheàrr airson coimhairsnachdan iomallach no eileanach?

Tha sinn cuideachd a' beachdachadh air mar a chuidicheas am Bile Cumhachd Choimhairsnachdan (*Community Empowerment Bill*) a tha air faire coimhairsnachdan nan eilean:

- A bheil ceangal sam bith agaibh ri Com-pàirteachasan Planaidh Coimhairsnachd (*Community Planning Partnerships - CPPs*) agus mas e gu bheil, dè cho math as urrainn dhut na beachdan agaibh a chur an cèill tromhpa?

- Ceangal sam bith a tha agaibh, no a bu mhath leibh a bhith agaibh, le planadh-coimhairsnachd, aiseag maoin-coimhairsnachd (*community asset transfer*) agus còir air ceannach?

Dìreach an dèidh na coinneimh-coimhairsnachd seo, cumaidh a' Chomataidh coinneamh phoblach fhoirmeil gus fianais a thional aig Priomh Oifis na Comhairle. Gabhaidh a' choinneamh seo fianais fhoirmeil bho Chomhairle nan Eilean Siar, Comhairle Arcaibh agus Comhairle Shealtainn. Gabhaidh a' Chomataidh fianais bho roghainn de riochdairean coimhairsnachd aig a' choinneimh seo cuideachd.

Cuidichidh ur beachdan do na Buill madainn 2 Cèitean - an dara cuid ma tha thu an làthair no ma chuireas tu tro twitter iad - an seisean fianais seo.

Thèid seisean an fheasgair a chumail bho 1.30m – 3.30f. Tha a h-uile duine a bhios a' frithealadh coinneamh na coimhairsnachd sa mhadainn dì-beathte fuireach agus coimhead air seisean an fheasgair.

A' Frithealadh na Coinneimh – Feumar tiocaidean an cur an dòigh ro làimh. Bu chòir do neach sam bith a tha airson frithealadh air a' choinneimh aig 10.30m 2 Cèitean fios a chur gu Clàrcan na Comataidh air post-dealain: lgr.committee@scottish.parliament.uk.

Ma tha sibh cuideachd ag iarraidh frithealadh gus coimhead air an fhianais phoblach eadar 1.30f – 3.30f, feuch an leig sibh fios thugainn nuair a chuireas sibh post-dealain thugainn.

Is e an ceann-latha mu dheireadh airson iarrtasan gus frithealadh a chur a-steach 6f Dihaoine 25 Giblean.

Bidh srùbag ri fhaighinn air an latha. Ma tha feumalachdan sònraichte agaibh a thaobh riaghait-bhidhe air am feum sinn a bhith mothachail, no ma tha cobhair sam bith a dhìth oirbh gus gluasad, leigibh fios thugainn nuair a chuireas sibh post-dealain thugainn.

A' gabhail pàirt quidseatach: Airson daoine no buidhnean nach urrainn a bhith an làthair aig coinneamh na coimhairsnachd iad fhèin, cumaidh a' Chomataidh deasbad air Twitter ri linn na coinneimh air 2 Cèitean eadar **10.30m agus 12f**. Leigidh seo leibh na beachdan agaibh a bhiathadh a-steach don deasbad. Faodaidh sibh na beachdan agaibh a nochdadh tro tweet thugainn **@SP_LocalGovt**. Tha sinn a' cur failte air tweets sa Ghàidhlig. Feuch an cuir sibh an taga-hais **#power2islands** air na chuireas sibh thugainn.

Fios gu:

| | |
|--|---|
| Seán Wixted Clàrc-cuideachaidh Comataidh Riaghaltais Ionadail agus Ath-bheothachadh Pàrlamaid na h-Alba Fòn: 0131 348 5223 | Ben Morton Cuidiche-comataidh Comataidh Riaghaltais Ionadail agus Ath-bheothachadh Pàrlamaid na h-Alba Fòn: 0131 348 6040 |
|--|---|